

UNDANG-UNDANG KECIL

CETAKAN SEMULA

**UNDANG-UNDANG KECIL PENTERNAKAN BURUNG WALIT
DAN PERUSAHAAN SARANG BURUNG WALIT
(MAJLIS BANDARAYA SUBANG JAYA) 2013**

Mengandungi segala pindaan hingga 10 Disember 2020.

DITERBITKAN OLEH
JABATAN UNDANG-UNDANG
MAJLIS BANDARAYA SUBANG JAYA
2021

AKTA KERAJAAN TEMPATAN 1976

**UNDANG-UNDANG KECIL PENTERNAKAN BURUNG WALIT
DAN PERUSAHAAN SARANG BURUNG WALIT
(MAJLIS BANDARAYA SUBANG JAYA) 2013**

SUSUNAN UNDANG-UNDANG KECIL

BAHAGIAN I

PERMULAAN

Undang-undang kecil

1. Nama, permulaan kuat kuasa dan pemakaian
2. Tafsiran

BAHAGIAN II

PELESENAN

3. Larangan
4. Permohonan lesen
5. Pemberian atau keengganan memberi lesen
6. Tempoh sah lesen
7. Deposit
8. Pembaharuan lesen
9. Lesen hendaklah dipamerkan dan dikemukakan
10. Pindah milik lesen
11. Pembatalan lesen
12. Peggantungan lesen
13. Penyerahan balik lesen
14. Mengembalikan lesen disebabkan pembatalan atau penggantungan, dsb.
15. Lesen sementara
16. Fi tidak boleh dikembalikan

BAHAGIAN III

PERUNTUKAN AM

PENTERNAKAN DAN PERUSAHAAN

Undang-undang kecil

17. Kebersihan
18. Pencemaran efluen dan kumbahan
19. Pencahayaan dan pengalihudaraan
20. Pencegahan kebakaran
21. Penstoran
22. Pembakaran
23. Penyebaran habuk, dsb.
24. Mengadakan tong sampah
25. Sampah pepejal basah
26. Pembuangan sampah
27. Kehendak bangunan
28. Pemeriksaan perubatan
29. Menumpahkan bahan mengganggu
30. Bahan mudah terbakar

BAHAGIAN IV

PERUNTUKAN KHAS PENTERNAKAN

31. Kebersihan dan pelupusan najis
32. Bekalan air
33. Keselamatan pekerjaan
34. Pemikatan burung walit
35. Bunyi bising

BAHAGIAN V

PERUNTUKAN KHAS PERUSAHAAN

36. Bekalan air
37. Kemudahan kebersihan
38. Keselamatan pekerjaan dan kebersihan
39. Peruntukan bilik mes, dsb.
40. Waktu menjalankan perniagaan

BAHAGIAN VI

PENGUATKUASAAN

Undang-undang kecil

41. Kuasa menyiasat
42. Kuasa untuk masuk dan memeriksa
43. Pengeledahan
44. Pemeriksaan orang perempuan
45. Penyitaan
46. Pelucuthakan
47. Pelucuthakan jika ada pendakwaan
48. Pelucuthakan jika tiada pendakwaan
49. Tiada kos atau ganti rugi berbangkit daripada penyitaan boleh didapatkan
50. Kuasa menutup
51. Kuasa menangkap
52. Halangan, dsb.
53. Majlis tidak bertanggung atas kehilangan atau kerosakan

BAHAGIAN VII

AM

54. Penalti
55. Pendakwaan
56. Pengkompaunan kesalahan
57. Kuasa pegawai polis di bawah Undang-Undang Kecil ini
58. Peruntukan peralihan

JADUAL PERTAMA

JADUAL KEDUA

AKTA KERAJAAN TEMPATAN 1976

UNDANG-UNDANG KECIL PENTERNAKAN BURUNG WALIT
DAN PERUSAHAAN SARANG BURUNG WALIT
(MAJLIS BANDARAYA SUBANG JAYA) 2013

PADA menjalankan kuasa yang diberikan oleh subsubperenggan 73(1)(a)(iv), seksyen 102 dan 102A Akta Kerajaan Tempatan 1976 [*Akta 171*], Majlis Bandaraya Subang Jaya membuat, dan menurut seksyen 103 Akta tersebut, Pihak Berkuasa Negeri mengesahkan undang-undang kecil yang berikut:

BAHAGIAN I

PERMULAAN

Nama, permulaan kuat kuasa dan pemakaian

1. (1) Undang-undang kecil ini bolehlah dinamakan **Undang-Undang Kecil Penternakan Burung Walit dan Perusahaan Sarang Burung Walit (Majlis Bandaraya Subang Jaya) 2013**.

(2) Undang-Undang Kecil ini hendaklah mula berkuat kuasa pada tarikh ia disiarkan dalam warta.

(3) Undang-Undang Kecil ini hendaklah terpakai bagi kawasan Majlis Bandaraya Subang Jaya sahaja.

Tafsiran

2. Dalam Undang-Undang Kecil ini, melainkan jika konteksnya menghendaki makna yang lain –

“bangunan warisan” mempunyai erti yang sama diberikan kepadanya di bawah Akta Warisan Kebangsaan 2005 [*Akta 645*];

“burung walit” ertinya burung dengan nama saintifiknya “*Aerodramus spp* dan *Collocalia spp*” dan menghasilkan sarang yang boleh dimakan dan digunakan oleh manusia;

“kacau ganggu” mempunyai erti yang sama diberikan kepadanya dalam Akta Kerajaan Tempatan 1976 [*Akta 171*];

“kumbahan” ertinya apa-apa lepasan cecair yang mengandungi kumuhan manusia, haiwan atau bahan nabati dalam bentuk terampai atau larutan yang diperolehi daripada aktiviti domestik dan terhasil dari komersial, institusi dan industri termasuk lepasan cecair dari tandas, besen, sinki, bilik air dan apa-apa perkakas kebersihan lain tetapi tidak termasuk air hujan dan efluen perindustrian;

“luas lantai” ertinya jumlah luas ruang lantai dalam sesuatu bangunan sebagaimana diukur dari sebelah luar dinding atau, berkenaan dengan dinding kongsi, diukur dari tengah-tengah dinding itu;

“Majlis” ertinya Majlis Bandaraya Subang Jaya;

“pegawai diberi kuasa” ertinya mana-mana pegawai yang diberi kuasa secara bertulis oleh Datuk Bandar;

"pemegang lesen" ertinya mana-mana orang yang kepadanya lesen dikeluarkan di bawah Undang-Undang Kecil ini;

“pemunya” ertinya tuan punya berdaftar bagi tanah dan premis dan hendaklah termasuk ejen, pemegang amanah dan wakil tuan punya yang sah disisi undang-undang, pemegang pajak, pemegang pajak kecil dan mana-mana orang yang pada masa ini menyewa premis yang berkaitan sama ada bagi faedah dirinya sendiri atau sebagai ejen atau pemegang amanah bagi mana-mana orang lain;

“penduduk” ertinya orang yang sebenarnya menduduki tanah atau premis yang mengenainya perkataan itu digunakan, atau yang berhak menjaga, mengurus atau mengawalinya sama ada bagi faedahnya sendiri atau sebagai ejen seorang lain, tetapi tidak termasuk seorang penginap;

“penternakan” termasuklah apa-apa aktiviti untuk menarik burung walit masuk ke premis atau membuat sarang atau membiak;

“peralatan” termasuklah sistem audio, pembesar suara, pemain cakera pita atau sonar atau apa-apa benda lain yang digunakan untuk memainkan rakaman bunyi kicauan burung walit di pusat penternakan burung walit;

“perusahaan” ertinya apa-apa aktiviti berkaitan memproses dan mengusaha sarang burung walit;

“Pihak Berkuasa Melesen” ertinya Datuk Bandar, Setiausaha suatu pihak berkuasa tempatan atau mana-mana pegawai yang diberi kuasa secara bertulis untuk mengeluarkan lesen oleh Datuk Bandar;

“premis” mempunyai erti yang diberikan kepadanya dalam Akta Jalan, Parit dan Bangunan 1974 [*Akta 133*];

“premis berlesen” ertinya mana-mana premis yang menjalankan apa-apa aktiviti penternakan burung walit atau perusahaan sarang burung walit yang telah dilesenkan oleh Pihak Berkuasa Melesen di bawah Undang-Undang Kecil ini;

“Datuk Bandar” ertinya Datuk Bandar Majlis Bandaraya Subang Jaya.

BAHAGIAN II

PELESENAN

Larangan

3. (1) Tiada seorang pun boleh mengendalikan apa-apa penternakan burung walit atau perusahaan sarang burung walit tanpa lesen yang dikeluarkan oleh Pihak Berkuasa Melesen di bawah Undang-Undang Kecil ini.

(2) Tiada seorang pun boleh menguruskan apa-apa penternakan burung walit atau perusahaan sarang burung walit melainkan jika penternakan burung walit atau perusahaan sarang burung walit itu ialah suatu penternakan burung walit atau perusahaan sarang burung walit berlesen.

(3) Bagi maksud Undang-Undang Kecil ini -

(a) seseorang yang merupakan pemunya, penerima pajak, penyewa utama, penghuni atau pengurus mana-mana premis yang digunakan sebagai penternakan burung walit atau perusahaan sarang burung walit hendaklah, melainkan jika dibuktikan sebaliknya, disifatkan sebagai mengendalikan penternakan burung walit atau perusahaan sarang burung walit itu; dan

(b) mana-mana orang yang pada masa itu terlibat dalam pengurusan atau mengawal penternakan burung walit atau perusahaan sarang burung walit itu hendaklah, melainkan jika dibuktikan sebaliknya, disifatkan sebagai menguruskan penternakan burung walit atau perusahaan sarang burung walit itu.

(4) Mana-mana orang yang melanggar perenggan (1) atau (2) adalah melakukan suatu kesalahan.

Permohonan lesen

4. (1) Suatu permohonan bagi mendapatkan suatu lesen hendaklah dibuat secara bertulis melalui borang atau apa-apa cara yang ditetapkan oleh Pihak Berkuasa Melesen.

(2) Pihak Berkuasa Melesen boleh mengarahkan mana-mana pemohon supaya hadir sendiri, atau dalam hal suatu perbadanan atau firma, oleh seorang pengarah, pekerja atau mana-mana orang yang diberi kuasa oleh perbadanan atau firma tersebut semasa permohonan dibuat.

(3) Pemohon hendaklah membuat pembayaran fi pemprosesan seperti yang ditetapkan dalam Jadual Pertama semasa permohonan dikemukakan dan fi pemprosesan tidak akan dikembalikan sama ada permohonan diluluskan atau tidak diluluskan oleh Pihak Berkuasa Melesen.

(4) Apabila permohonan itu diluluskan, Pihak Berkuasa Melesen hendaklah mengeluarkan lesen yang tertakluk kepada -

- (a) pembayaran deposit seperti jumlah yang ditetapkan oleh Pihak Berkuasa Melesen sebagai jaminan untuk memastikan bahawa peruntukan Undang-Undang Kecil ini dan syarat lesen dipatuhi;
- (b) pembayaran apa-apa fi yang ditetapkan dalam Jadual Kedua; dan
- (c) apa-apa syarat atau sekatan yang dinyatakan di dalamnya.

(5) Lesen tersebut hendaklah dalam bentuk sebagaimana yang ditentukan oleh Pihak Berkuasa Melesen.

(6) Pihak Berkuasa Melesen boleh mengeluarkan lesen bagi tempoh tidak melebihi tiga tahun dan boleh diperbaharui, tertakluk kepada permohonan pembaharuan yang dibuat kepada Pihak Berkuasa Melesen dan bayaran fi sebagaimana yang ditetapkan dalam Jadual Pertama dan Kedua.

(7) Pemegang lesen hendaklah mematuhi semua syarat dan sekatan yang telah ditetapkan oleh Pihak Berkuasa Melesen di bawah subperenggan (4)(c).

(8) Mana-mana pemegang lesen yang gagal mematuhi perenggan (7) adalah melakukan suatu kesalahan.

Pemberian atau keengganan memberi lesen

5. (1) Pihak Berkuasa Melesen hendaklah apabila permohonan dibuat dan selepas menerima segala dokumen dan maklumat yang dikehendaki, memproses permohonan itu dan boleh, jika Pihak Berkuasa Melesen berpuas hati dan apabila fi pemprosesan yang ditetapkan telah dibayar -

- (a) memberi lesen, sama ada bersyarat atau tanpa syarat; atau
- (b) enggan memberi lesen.

(2) Pihak Berkuasa Melesen boleh mengeluarkan suatu lesen bagi tempoh tidak melebihi tiga tahun dan boleh diperbaharui, tertakluk kepada permohonan pembaharuan yang dibuat kepada Pihak Berkuasa Melesen tiga bulan sebelum tamat tempoh dan bayaran fi sebagaimana yang ditetapkan dalam Jadual pada atau sebelum tamat tempoh.

Tempoh sah lesen

6. Suatu lesen jika tidak digantung atau dibatalkan terlebih dahulu hendaklah terus berkuat kuasa dari tarikh pembayaran fi lesen mengikut tempoh yang diluluskan oleh Pihak Berkuasa Melesen tidak melebihi tiga tahun.

Deposit

7. (1) Pihak Berkuasa Melesen boleh, sebelum memberikan sesuatu lesen di bawah Undang-Undang Kecil ini, mengkehendaki mana-mana pemohon membayar deposit tidak melebihi sepuluh ribu ringgit, dalam bentuk yang ditentukan oleh Pihak Berkuasa Melesen bagi memastikan apa-apa syarat atau sekatan lesen itu dan peruntukan di bawah Undang-Undang Kecil ini dipatuhi dengan sewajarnya.

(2) Pihak Berkuasa Melesen boleh, selepas memberi pemegang lesen peluang untuk didengar, melucuthakkan deposit sepenuhnya atau sebahagian daripadanya, sekiranya Pihak Berkuasa Melesen berpuas hati bahawa terdapatnya pelanggaran syarat atau sekatan lesen atau pelanggaran mana-mana peruntukan Undang-Undang Kecil ini.

(3) Lesen hendaklah digantung menurut perenggan 12(1) apabila deposit dilucuthakkan sepenuhnya atau sebahagian daripadanya, melainkan dibenarkan oleh Pihak Berkuasa Melesen dengan permohonan dari pemegang lesen untuk meneruskan lesen di bawah perenggan (4) dan tertakluk kepada pembayaran semula atau penambahan semula deposit.

(4) Pemegang lesen boleh membuat permohonan meneruskan lesen dalam tempoh empat belas hari dari tarikh pelucuthakkan deposit dan sekiranya tiada permohonan meneruskan lesen dibuat dalam tempoh tersebut, lesen hendaklah terbatal secara sendirinya.

(5) Pembayaran deposit di bawah subperenggan 4(4)(a) hendaklah, melainkan dilucuthakkan menurut perenggan (2), dikembalikan kepada pemegang lesen selepas pemegang lesen menamatkan pengendalian premis berlesen dan selepas penyerahan balik lesen kepada Pihak Berkuasa Melesen sekiranya lesen itu tidak tamat.

Pembaharuan lesen

8. (1) Suatu lesen itu boleh diperbaharui dengan mengemukakan permohonan secara bertulis melalui borang yang ditetapkan oleh Pihak Berkuasa Melesen tiga bulan sebelum tarikh tamat lesen.

(2) Pihak Berkuasa Melesen boleh mengkehendaki pemohon memberi apa-apa dokumen atau maklumat tambahan yang difikirkan perlu semasa mengemukakan permohonan memperbaharui lesen.

(3) Pihak Berkuasa Melesen boleh memperbaharui lesen itu atau enggan memperbaharui lesen itu dan hendaklah memberitahu pemohon secara bertulis mengenai keputusannya itu.

(4) Pihak Berkuasa Melesen boleh mengkehendaki pemohon untuk menyelesaikan semua bayaran tertunggak termasuk kompaun kepada Majlis sebelum meluluskan permohonan tersebut.

(5) Pihak Berkuasa Melesen boleh mengenakan syarat baru apabila suatu lesen diperbaharui.

Lesen hendaklah dipamerkan dan dikemukakan

9. (1) Seorang pemegang lesen hendaklah mempamerkan lesennya pada sepanjang masa di suatu tempat yang mudah dilihat di dalam premis berlesennya dan hendaklah mengemukakannya sekiranya dikehendaki berbuat demikian oleh Pihak Berkuasa Melesen atau pegawai diberi kuasa.

(2) Seorang pemegang lesen yang gagal untuk mempamer atau mengemukakan lesennya di bawah perenggan (1) adalah melakukan suatu kesalahan dan apabila disabitkan boleh dikenakan hukuman denda yang tidak melebihi lima ratus ringgit atau penjara tidak melebihi enam bulan atau kedua-duanya.

(3) Bagi maksud Undang-Undang Kecil ini, suatu rujukan kepada “lesen” hendaklah termasuk suatu salinan yang disahkan oleh Pihak Berkuasa Melesen sebagai suatu salinan benar lesen itu dan salinan lesen yang diperakui hanya boleh dikeluarkan tertakluk kepada kadar bayaran dalam Jadual Pertama.

Pindah milik lesen

10. (1) Suatu lesen yang dikeluarkan di bawah Undang-Undang Kecil ini tidak boleh dipindah milik melainkan dengan kebenaran bertulis daripada Pihak Berkuasa Melesen.

(2) Permohonan untuk memindah milik lesen hendaklah dibuat mengikut apa-apa bentuk yang ditentukan oleh Pihak Berkuasa Melesen.

(3) Pihak Berkuasa Melesen boleh mengkehendaki pemegang lesen memberi apa-apa dokumen atau maklumat tambahan sebagaimana yang didapati perlu semasa permohonan dibuat.

(4) Pihak Berkuasa Melesen boleh mengarahkan mana-mana pemegang lesen supaya hadir sendiri atau dalam hal suatu perbadanan atau firma, oleh seorang pengarah, pekerja atau mana-mana orang yang diberi kuasa oleh perbadanan atau firma tersebut, semasa permohonan dibuat.

(5) Pihak Berkuasa Melesen boleh mengkehendaki pemegang lesen untuk menyelesaikan semua bayaran tertunggak kepada pihak Majlis sebelum meluluskan permohonan tersebut.

(6) Bayaran pindah milik lesen hendaklah sebanyak dua puluh peratus daripada bayaran lesen yang ditetapkan dalam Jadual Kedua.

(7) Mana-mana pemegang lesen yang membuat permohonan pindah milik lesen hendaklah membuat pembayaran fi pemprosesan seperti yang ditetapkan dalam Jadual Pertama semasa permohonan dibuat dan ianya tidak akan dikembalikan.

(8) Mana-mana orang yang melanggar perenggan (1) adalah melakukan suatu kesalahan.

Pembatalan lesen

11. (1) Pihak Berkuasa Melesen boleh membatalkan suatu lesen yang diberikan jika berpuas hati bahawa -

- (a) pemegang lesen itu melanggar mana-mana peruntukan Undang-Undang Kecil ini atau gagal mematuhi apa-apa syarat atau sekatan yang dikenakan ke atasnya;
- (b) pemegang lesen itu telah sama ada berkaitan dengan permohonan lesen itu atau pada bila-bila masa selepas pemberian lesen, memberi kepada Pihak Berkuasa Melesen, dokumen atau perisytiharan yang palsu, mengelirukan atau tidak tepat;
- (c) pemegang lesen itu menjalankan aktiviti penternakan burung walit atau perusahaan sarang burung walit yang boleh memudaratkan kesihatan awam;
- (d) pemegang lesen telah tidak berurus niaga dalam apa-apa aktiviti penternakan burung walit atau perusahaan sarang burung walit yang dilesenkan selama tempoh enam bulan berturut-turut atau telah berhenti menjalankan mana-mana aktiviti penternakan burung walit atau perusahaan sarang burung walit yang dilesenkan;
- (e) suatu perintah penggulungan telah dibuat terhadap pemegang lesen atau satu ketetapan bagi penggulungan sukarejanya telah diluluskan;
- (f) pemegang lesen itu telah disabitkan atas apa-apa kesalahan yang melibatkan rasuah, fraud atau pecah amanah; atau
- (g) pemegang lesen itu telah disabitkan atas apa-apa kesalahan di bawah Undang-Undang Kecil ini.

(2) Sebelum membatalkan sesuatu lesen, Pihak Berkuasa Melesen hendaklah memberikan kepada pemegang lesen itu notis bertulis mengenai niatnya untuk berbuat sedemikian dan mengkehendaki pemegang lesen itu mengemukakan representasi secara bertulis dalam tempoh tujuh hari dari tarikh notis itu sebab lesen itu tidak patut dibatalkan.

(3) Jika Pihak Berkuasa Melesen memutuskan untuk membatalkan lesen tersebut selepas pemegang lesen mengemukakan representasi dan Pihak Berkuasa Melesen tidak berpuashati dengan representasi yang diberikan atau jika pemegang lesen gagal untuk mengemukakan representasi dalam masa yang ditetapkan, Pihak Berkuasa Melesen hendaklah memberitahu pemegang lesen secara bertulis mengenai keputusannya itu dalam tempoh empat belas hari dari tarikh keputusan dibuat.

(4) Pembatalan suatu lesen hendaklah mula berkuat kuasa apabila habisnya tempoh empat belas hari dari tarikh notis pembatalan itu disampaikan kepada pemegang lesen.

(5) Jika suatu lesen telah dibatalkan di bawah perenggan (3), pemegang lesen yang lesennya dibatalkan hendaklah memberhentikan operasi apa-apa aktiviti penternakan burung walit atau perusahaan sarang burung walit. Pihak Berkuasa Melesen boleh mengambil tindakan di bawah undang-undang kecil 50 jika pemegang lesen gagal untuk memberhentikan operasi apa-apa aktiviti penternakan burung walit atau perusahaan sarang burung walit.

(6) Jika pembatalan suatu lesen telah mula berkuat kuasa, Pihak Berkuasa Melesen hendaklah seberapa segera-

- (a) menyampaikan suatu salinan notis pembatalan lesen kepada pemegang lesen atau orang yang mengurus dan mengawal premis berlesen tersebut; atau
- (b) menampal suatu salinan notis pembatalan lesen pada tempat yang mudah dilihat di premis yang dilesenkan.

Penggantungan lesen

12. (1) Pihak Berkuasa Melesen hendaklah menggantung sesuatu lesen itu sementara menunggu keputusan dibuat di bawah perenggan 11(2) atau setelah deposit dilucuthakkan mengikut perenggan 7(2).

(2) Pemegang lesen hendaklah menghentikan dengan serta-merta operasi apa-apa aktiviti penternakan burung walit atau perusahaan sarang burung walit yang telah digantung lesennya.

(3) Pihak Berkuasa Melesen boleh mengambil tindakan di bawah undang-undang kecil 50 jika pemegang lesen gagal untuk memberhentikan apa-apa aktiviti penternakan burung walit atau perusahaan sarang burung walit di bawah perenggan (2).

(4) Mana-mana orang yang melanggar perenggan (2) adalah melakukan suatu kesalahan.

Penyerahan balik lesen

13. (1) Pemegang lesen atas apa-apa sebab yang munasabah boleh menyerah balik lesennya berserta dengan suatu notis bertulis mengenai penyerahan balik dan lesen tersebut hendaklah dibatalkan oleh Pihak Berkuasa Melesen.

(2) Penyerahan balik lesen itu hendaklah berkuat kuasa pada tarikh Pihak Berkuasa Melesen menerima lesen dan notis itu di bawah perenggan (1). Pemegang lesen hendaklah menghentikan dengan serta-merta operasi apa-apa aktiviti penternakan burung walit atau perusahaan sarang burung walit pada tarikh penyerahan balik lesen itu berkuat kuasa.

(3) Pemegang lesen itu hendaklah tidak lewat daripada empat belas hari selepas tarikh penyerahan balik lesen tersebut menampal satu notis sedemikian di tempat yang mudah dilihat di premis berlesen tersebut.

(4) Pihak Berkuasa Melesen boleh mengambil tindakan di bawah undang-undang kecil 50 jika pemegang lesen gagal untuk memberhentikan operasi apa-apa aktiviti penternakan burung walit atau perusahaan sarang burung walit di bawah perenggan (2).

(5) Mana-mana orang yang melanggar perenggan (2) dan (3) adalah melakukan suatu kesalahan.

Mengembalikan lesen disebabkan pembatalan atau penggantungan, dsb.

14. (1) Jika terdapat pembatalan lesen di bawah undang-undang kecil 11 atau penggantungan lesen di bawah undang-undang kecil 12, pemegang lesen itu hendaklah dalam masa empat belas hari mengembalikan lesen asal tersebut kepada Pihak Berkuasa Melesen.

(2) Mana-mana orang yang melanggar undang-undang kecil ini adalah melakukan suatu kesalahan.

Lesen sementara

15. (1) Suatu lesen sementara boleh dikeluarkan kepada mana-mana pemohon, sementara menanti pertimbangan oleh Pihak Berkuasa Melesen ke atas permohonan bagi suatu lesen.

(2) Lesen sementara yang dikeluarkan di bawah perenggan (1) hendaklah sah bagi tempoh tidak melebihi enam bulan dari tarikh lesen sementara itu dikeluarkan.

(3) Tertakluk kepada perenggan (5), suatu lesen sementara boleh dilanjutkan bagi tempoh tidak melebihi enam bulan atas permohonan secara bertulis oleh pemohon pada atau sebelum tarikh akhir tempoh enam bulan yang pertama.

(4) Tempoh sah suatu lesen sementara tidak boleh melebihi tempoh dua belas bulan dari tarikh lesen itu dikeluarkan.

(5) Jika permohonan bagi suatu lesen telah ditolak oleh Pihak Berkuasa Melesen, lesen sementara yang dikeluarkan hendaklah menjadi tidak sah dengan serta-merta.

(6) Fi bagi suatu lesen sementara atau apa-apa perlanjutan hendaklah tidak melebihi jumlah fi yang ditetapkan dalam Jadual Kedua.

(7) Pemegang suatu lesen sementara hendaklah mempunyai hak, kewajipan, liabiliti dan obligasi yang sama sebagaimana pemegang lesen apa-apa aktiviti penternakan burung walit atau perusahaan sarang burung walit yang dikeluarkan di bawah Undang-Undang Kecil ini.

Fi tidak boleh dikembalikan

16. Fi lesen yang telah dibayar di bawah Undang-Undang Kecil ini tidak boleh dikembalikan.

BAHAGIAN III

**PERUNTUKAN AM
PENTERNAKAN DAN PERUSAHAAN**

Kebersihan

17. (1) Pemegang lesen hendaklah -

- (a) menjaga dan menyenggara atau menyebabkan disenggara semua atau sebahagian premis berlesen termasuk apa-apa kelengkapan dan lekapan, supaya berada dalam keadaan baik dan bersih pada setiap masa sehingga memuaskan hati Pihak Berkuasa Melesen;
- (b) memastikan premis berlesennya dibersihkan dengan menggunakan pembasmi kuman sekurang-kurangnya sebulan sekali;
- (c) memastikan alat pembersih dan pembasmi kuman yang digunakan bersesuaian, selamat, berkesan dan tidak berbahaya pada burung, sarang dan telurnya; dan
- (d) sentiasa memastikan premis berlesen tidak menimbulkan kacau ganggu atau memudaratkan kesihatan awam.

(2) Mana-mana orang yang melanggar undang-undang kecil ini adalah melakukan suatu kesalahan.

Pencemaran efluen dan kumbahan

18. (1) Tiada mana-mana pemegang lesen boleh melepas atau menyebabkan atau membenar dilepaskan sebarang efluen atau kumbahan kecuali pada tempat atau tempat-tempat pelepasan efluen dan hendaklah mengikut cara sebagaimana yang ditetapkan oleh Pihak Berkuasa Melesen atau mana-mana pihak berkuasa yang berkenaan.

(2) Mana-mana orang yang melanggar undang-undang kecil ini adalah melakukan suatu kesalahan.

Pencahayaan dan pengalihudaraan

19. (1) Pemegang lesen hendaklah memastikan premis berlesennya bagi maksud kegunaan manusia -

- (a) terdapat cahaya yang terang dan mencukupi;
- (b) sistem lampu kecemasan dalam keadaan baik dan boleh dikendalikan dan hendaklah diletakkan di mana-mana tangga, laluan dan pintu keluar;
- (c) terdapat pengudaraan yang mencukupi; dan
- (d) setiap tangga, laluan dan jalan keluar kecemasan yang menjadi sebahagian daripada premis itu mendapat pencahayaan yang mencukupi.

(2) Mana-mana orang yang melanggar undang-undang kecil ini adalah melakukan suatu kesalahan.

Pencegahan kebakaran

20. (1) Pemegang lesen hendaklah memastikan bahawa -

- (a) kelengkapan memadam kebakaran yang mencukupi disediakan, disenggara dan berfungsi dengan baik;
- (b) semua tangga, laluan, pelantar dan jalan keluar yang mencukupi disediakan, disenggara dan berfungsi dengan baik; dan
- (c) semua tangga, laluan pelantar dan jalan keluar bebas dari segala halangan dan tiap-tiap pintu di dalamnya dibina dan dipasang sedemikian cara supaya dapat dibuka dengan senang.

(2) Mana-mana orang yang melanggar undang-undang kecil ini adalah melakukan suatu kesalahan.

Penstoran

21. (1) Semua bahan hendaklah di stor mengikut cara dan keadaan yang dapat mencegah keluaran bahan berbahaya dan masalah yang berpunca daripadanya.

(2) Mana-mana orang yang melanggar undang-undang kecil ini adalah melakukan suatu kesalahan.

Pembakaran

22. (1) Tiada pemegang lesen boleh membakar atau menyebabkan dibakar bahan boleh terbakar atau sampah sarap melainkan mengikut cara dan di tempat yang diluluskan oleh Pihak Berkuasa Melesen.

(2) Mana-mana orang yang melanggar undang-undang kecil ini adalah melakukan suatu kesalahan.

Penyebaran habuk, dsb.

23. (1) Tiada pemegang lesen boleh menyebabkan, membenar atau mengizinkan penyebaran apa-apa kuantiti habuk, asap, wap, haba gas, pancaran, bau hiduan, getaran atau jelaga dari tempat atau premis berlesennya yang adalah suatu kacau ganggu atau mencemarkan udara.

(2) Mana-mana orang yang melanggar undang-undang kecil ini adalah melakukan suatu kesalahan.

Mengadakan tong sampah

24. (1) Pemegang lesen hendaklah mengadakan tong sampah yang mencukupi seperti yang ditetapkan oleh Pihak Berkuasa Melesen untuk menyimpan sampah.

(2) Mana-mana orang yang melanggar undang-undang kecil ini adalah melakukan suatu kesalahan.

Sampah pepejal basah

25. (1) Semua sampah pepejal basah hendaklah dimasukkan dalam karung plastik atau lain-lain bekas yang sesuai sebelum dimasukkan ke dalam tong sampah.

(2) Mana-mana orang yang melanggar undang-undang kecil ini adalah melakukan suatu kesalahan.

Pembuangan sampah

26. (1) Pemegang lesen hendaklah memastikan semua sampah dibuang mengikut cara sebagaimana yang ditetapkan oleh Pihak Berkuasa Melesen dari semasa ke semasa.

(2) Mana-mana orang yang melanggar undang-undang kecil ini adalah melakukan suatu kesalahan.

Kehendak-kehendak bangunan

27. (1) Pemegang lesen hendaklah memastikan bahawa –

- (a) tingkat bawah dan tempat letak kereta bawah tanah sesuatu premis berlesen tidak digunakan untuk aktiviti penternakan burung walit atau perusahaan sarang burung walit;
- (b) sesuatu premis berlesen yang digunakan untuk penternakan burung walit atau perusahaan sarang burung walit hendaklah sentiasa dilepa warna; dan

- (c) perubahan kepada premis berlesen yang hendak dijadikan sebagai penternakan burung walit atau perusahaan sarang burung walit hendaklah terlebih dahulu mendapat kelulusan Majlis.
- (2) Tiada sebarang aktiviti penternakan burung walit atau perusahaan sarang burung walit boleh dijalankan di mana-mana bangunan warisan.
- (3) Mana-mana orang melanggar undang-undang kecil ini adalah melakukan suatu kesalahan.

Pemeriksaan Perubatan

28. (1) Mana-mana orang yang bekerja atau terlibat dalam apa-apa aktiviti penternakan burung walit atau perusahaan sarang burung walit hendaklah menjalani pemeriksaan perubatan tentang kesihatannya sekurang-kurangnya setahun sekali.

(2) Pemeriksaan itu hendaklah dijalankan oleh pengamal perubatan yang berdaftar di bawah Akta Perubatan 1971 [*Akta 50*].

(3) Jika mana-mana orang setelah diperiksa, didapati oleh pengamal perubatan menghidap penyakit merebak atau berjangkit atau apa-apa penyakit kulit yang berbahaya atau yang pada pendapat pengamal perubatan berkemungkinan merupakan punca jangkitan, Pihak Berkuasa Melesen hendaklah serta-merta menghilangkan kelayakan orang yang diperiksa itu daripada bekerja atau terlibat di mana-mana tempat yang digunakan untuk aktiviti penternakan burung walit atau perusahaan sarang burung walit sehingga disahkan oleh pengamal perubatan bahawa dia telah sembuh atau tidak lagi berkemungkinan menjadi punca jangkitan.

(4) Mana-mana orang –

- (a) yang enggan menjalani suatu pemeriksaan perubatan bila diminta melakukan ; atau
- (b) yang setelah diperiksa secara medikal dan hilang kelayakan, meneruskan tugas di mana-mana tempat yang digunakan bagi apa-apa aktiviti penternakan burung walit atau perusahaan sarang burung walit; adalah melakukan suatu kesalahan.

(5) Tuan punya, pemegang lesen, penduduk atau penjaga mana-mana tempat yang diguna untuk aktiviti penternakan burung walit atau perusahaan sarang burung walit yang setelah diberitahu dengan bertulis oleh Pihak Berkuasa Melesen bahawa seseorang yang bertugas untuk apa-apa aktiviti penternakan burung walit atau perusahaan sarang burung walit telah enggan menjalani pemeriksaan perubatan atau setelah diperiksa hilang kelayakan dari bekerja, membenarkan orang itu meneruskan tugas di dalamnya atau tinggal di dalam kawasan sekitarnya hendaklah bersalah atas suatu kesalahan di bawah Undang-Undang Kecil ini.

(6) Mana-mana orang yang melanggar perenggan (1) adalah melakukan suatu kesalahan.

Menumpahkan bahan mengganggu

29. (1) Seseorang pemegang lesen tidak boleh -
- (a) menempat, meletak atau membuang atau menyebabkan atau membenarkan ditempatkan, meletak atau membuang apa-apa habuk, debu, kertas, abu, bangkai, sampah, kotak, tong, karung atau apa-apa benda atau apa-apa barang ke dalam mana-mana longkang, siar kaki, kawasan pejalan kaki atau mana-mana tempat awam atau jalan di hadapan, di belakang atau di sebelah premis berlesennya;
 - (b) menyimpan atau meninggalkan apa-apa jua benda atau barang di sesuatu tempat di mana ianya atau zarah daripadanya telah masuk atau mungkin masuk ke dalam mana-mana longkang, siar kaki, kawasan pejalan kaki atau mana-mana tempat awam atau jalan di hadapan, di belakang atau di sebelah premis berlesennya;
 - (c) menjemur apa-apa benda makanan atau lain-lain benda atau barang di mana-mana longkang, siar kaki, kawasan pejalan kaki atau mana-mana tempat awam atau jalan di hadapan, di belakang atau di sebelah premis berlesennya;
 - (d) membuang, meletak, menumpah atau menabur apa-apa darah, air masin, buangan cecair, cecair kotor atau lain-lain benda yang mengganggu atau benda kotor dari apa-apa jenis dialirkan atau masuk ke dalam longkang, siar kaki, kawasan pejalan kaki atau mana-mana tempat awam atau jalan di hadapan, di belakang atau di sebelah premis berlesennya;
 - (e) menjatuh, menumpah atau menabur apa-apa debu, pasir, tanah, kelikir, tanah liat, tanah gembur, batu, rumput, rumput kering, rautan, abuk kayu, abu, sampah kebun, sampah kandang, sampah tred, baja, sampah atau apa-apa barang lain atau benda ke dalam longkang, siar kaki, kawasan pejalan kaki atau mana-mana tempat awam atau jalan di hadapan, di belakang atau di sebelah premis berlesennya;
 - (f) mengayak, mengirai, mencuci, memukul atau dengan cara lain mengacau apa-apa kapur, abu, pasir, arang batu, rambut, kertas buangan, bulu atau lain-lain benda dengan sesuatu cara supaya ia diterbangkan atau mungkin diterbangkan oleh angin ke dalam longkang, siar kaki, kawasan pejalan kaki atau mana-mana tempat awam atau jalan di hadapan, di belakang atau di sebelah premis berlesennya; atau
 - (g) membuang atau meninggalkan apa-apa botol, gelas, tin, bekas makanan, pembungkus makanan, zarah makanan atau apa-apa benda atau barang lain ke dalam longkang, siar kaki, kawasan pejalan kaki atau mana-mana tempat awam atau jalan di hadapan, di belakang atau di sebelah premis berlesennya.

(2) Mana-mana orang yang melanggar undang-undang kecil ini adalah melakukan suatu kesalahan.

Bahan mudah terbakar

30. (1) Bahan atau larutan yang mudah terbakar hendaklah disimpan dalam bekas bertudung tutup sendiri yang reka bentuknya telah mendapat kelulusan Pihak Berkuasa Melesen.

(2) Stor yang tidak mudah terbakar hendaklah dibina mengikut kehendak Pihak Berkuasa Melesen dan pihak berkuasa yang berkenaan, jika bahan atau larutan yang mempunyai takat kilat di bawah 23 darjah Celsius disimpan dalam kuantiti yang lebih daripada 45 liter.

(3) Mana-mana orang yang melanggar undang-undang kecil ini adalah melakukan suatu kesalahan.

BAHAGIAN IV

PERUNTUKAN KHAS PENTERNAKAN

Kebersihan dan pelupusan najis

31. (1) Semua premis penternakan berlesen hendaklah sentiasa dalam keadaan kering.

(2) Pelupusan najis burung walit hendaklah dibuat mengikut cara sebagaimana yang ditetapkan oleh Pihak Berkuasa Melesen dari semasa ke semasa.

(3) Mana-mana orang yang melanggar undang-undang kecil ini adalah melakukan suatu kesalahan.

Bekalan air

32. (1) Bekalan air yang mencukupi dan tetap hendaklah disediakan pada setiap masa di mana-mana premis berlesen.

(2) Mana-mana orang yang melanggar undang-undang kecil ini adalah melakukan suatu kesalahan.

Keselamatan pekerjaan

33. (1) Pemegang lesen hendaklah menyediakan suasana yang selamat dan sihat di premis berlesen kepada pekerjaannya seperti yang ditetapkan oleh Pihak Berkuasa Melesen.

(2) Mana-mana orang yang melanggar undang-undang kecil ini adalah melakukan suatu kesalahan.

Pemikatan burung walit

34. (1) Pemegang lesen hendaklah memastikan apa-apa peralatan yang digunakan, masa penggunaan dan penempatan peralatan tersebut adalah mengikut cara yang ditetapkan oleh Pihak Berkuasa Melesen bagi maksud pemikatan burung walit.

(2) Pemegang lesen hendaklah memastikan penggunaan peralatan memikat burung walit adalah mengikut waktu yang ditetapkan oleh Pihak Berkuasa Melesen.

(3) Mana-mana orang yang melanggar undang-undang kecil ini adalah melakukan suatu kesalahan.

Bunyi Bising

35. (1) Pemegang lesen hendaklah memastikan tidak membuat, membenar atau menyebabkan dibenarkan bunyi bising yang akan menjadi kacau ganggu semasa menjalankan apa-apa aktiviti bagi maksud pemikatan burung walit di luar premis berlesen.

(2) Mana-mana orang yang melanggar undang-undang kecil ini adalah melakukan suatu kesalahan.

BAHAGIAN V

PERUNTUKAN KHAS PERUSAHAAN

Bekalan air

36. (1) Bekalan air yang mencukupi dan tetap hendaklah disediakan pada setiap masa di mana-mana premis berlesen dan semua pili air hendaklah disambung terus ke paip air utama dari bekalan air awam.

(2) Permohonan untuk penyambungan bekalan air ke premis berlesen hendaklah dikemukakan mengikut prosedur dan mendapat kelulusan dari pihak berkuasa yang berkenaan.

(3) Tiada bekalan air boleh diambil dari pili atau sumber lain dari dalam tandas atau bilik air.

(4) Mana-mana orang yang melanggar undang-undang kecil ini adalah melakukan suatu kesalahan.

Kemudahan kebersihan

37. (1) Pihak Berkuasa Melesen boleh menghendaki pemegang lesen menyediakan tandas yang sesuai, sinki, besen membasuh, tempat mencuci pinggan mangkuk dan bilik basuh menurut apa-apa cara dan jumlah yang difikirkan patut oleh Pihak Berkuasa Melesen.

(2) Pemegang lesen hendaklah memastikan bahawa tiap-tiap tandas pada setiap masa dilengkapi dengan bekalan air yang mencukupi, kertas tandas, bahan pencuci, bahan pewangi

atau pewangi udara, bekas sampah dan alat pengering tangan elektrik, tuala gulung atau tuala bersih, kertas tisu, pili air dan baldi atau getah penyalur untuk bersuci.

(3) Pemegang lesen hendaklah memastikan semua tandas, sinki, besen membasuh, tempat membuang air kecil, bilik mandi, tempat mencuci pinggan mangkuk dan alat pepasang dan lekapan lain di dalamnya hendaklah dalam keadaan bersih pada setiap masa, disenggara, dibaiki dan diganti apabila perlu dan dikehendaki oleh Pihak Berkuasa Melesen pada bila-bila masa.

(4) Dinding tandas, bilik mandi dan tempat membuang air kecil hendaklah dibuat daripada jubin bersinar dan tingginya tidak kurang dari 1.5 meter dan lantai hendaklah dipasang jubin tidak licin.

(5) Setiap tandas, tempat membuang air kecil, bilik mandi dan bilik basuh hendaklah dibekalkan dengan lampu dan peredaran udara yang mencukupi atau sebagaimana yang ditetapkan oleh Pihak Berkuasa Melesen.

(6) Setiap tandas, tempat membuang air kecil, sinki dan lain-lain kotoran buangan hendaklah disalurkan sebagaimana yang ditetapkan oleh Pihak Berkuasa Melesen.

(7) Pemegang lesen hendaklah memastikan bahawa tandas sentiasa dibuka untuk kegunaan mana-mana orang semasa waktu perniagaan.

(8) Mana-mana orang yang melanggar undang-undang kecil ini adalah melakukan suatu kesalahan.

Keselamatan pekerjaan dan kebersihan

38. (1) Pemegang lesen hendaklah menyediakan suasana yang selamat dan sihat di premis berlesen kepada pekerjaannya seperti yang ditetapkan oleh Pihak Berkuasa Melesen.

(2) Lantai dan tangga di setiap premis berlesen hendaklah –

(a) disenggara dalam keadaan rata, baik, tidak licin dan tidak mendatangkan bahaya; dan

(b) bebas dari lubang pemasangan penutup, saluran air atau konduit yang tidak sempurna dan bebas dari paku-paku yang menonjol, injap atau paip terkeluar atau benda lain yang tertonjol keluar atau halangan.

(3) Setiap premis berlesen hendaklah menyediakan kotak perubatan kecemasan yang mencukupi dan hendaklah dilengkapi dengan sempurna dan diletakkan pada tempat yang sesuai seperti yang ditetapkan oleh Pihak Berkuasa Melesen.

(4) Tiada sebarang peralatan atau barang milik pekerja atau pakaian boleh disimpan atau digantung di mana-mana bahagian premis berlesen kecuali di dalam almari kecil berkunci atau ruangan yang diluluskan oleh Pihak Berkuasa Melesen.

(5) Pemegang lesen hendaklah memastikan premis berlesen tidak terlalu sesak sehingga boleh menyebabkan kecederaan atau membahayakan kesihatan pekerja.

(6) Mana-mana orang yang melanggar undang-undang kecil ini adalah melakukan suatu kesalahan.

Peruntukan bilik mes, dsb.

39. (1) Pihak Berkuasa Melesen boleh dengan notis bertulis menghendaki mana-mana pemegang lesen supaya menyediakan kemudahan bilik sembahyang untuk orang Islam, bilik mes, bilik istirehat, kantin, bilik salin pakaian dan almari yang sesuai atau apa-apa kemudahan lain untuk pekerjaanya.

(2) Jika pekerja di premis berlesen terdiri daripada lelaki dan perempuan, kemudahan bilik sembahyang, bilik mes, bilik istirehat, bilik salin pakaian dan almari hendaklah disediakan secara berasingan oleh pemegang lesen.

(3) Mana-mana orang yang melanggar undang-undang kecil ini adalah melakukan suatu kesalahan.

Waktu menjalankan perniagaan

40. (1) Pihak Berkuasa Melesen boleh mengarahkan mana-mana aktiviti perusahaan tidak dibenarkan dijalankan di suatu tempat atau premis berlesen melainkan pada masa dan jam yang ditetapkan oleh Pihak Berkuasa Melesen.

(2) Mana-mana orang yang melanggar undang-undang kecil ini adalah melakukan suatu kesalahan.

BAHAGIAN VI

PENGUATKUASAAN

Kuasa untuk menyiasat

41. Pihak Berkuasa Melesen atau pegawai diberi kuasa boleh menyiasat apa-apa kesalahan di bawah Undang-Undang Kecil ini.

Kuasa untuk masuk dan memeriksa

42. (1) Pihak Berkuasa Melesen atau pegawai diberi kuasa boleh pada setiap masa yang munasabah, tanpa waran dengan tujuan untuk menentukan sama ada syarat atau sekatan sesuatu lesen atau peruntukan Undang-Undang Kecil ini dipatuhi –

- (a) memasuki mana-mana premis; dan
- (b) menjalankan apa-apa pemeriksaan di premis itu.

(2) Jika Pihak Berkuasa Melesen atau pegawai diberi kuasa ada sebab untuk mempercayai adanya berlaku suatu kesalahan di bawah Undang-Undang Kecil ini di mana-mana premis, maka orang yang tinggal di dalam atau menjaga tempat itu hendaklah membenarkan Pihak Berkuasa Melesen atau pegawai diberi kuasa itu masuk dengan bebas ke dalamnya, iaitu apabila diminta oleh mana-mana orang yang tersebut itu, dan memberikan segala kemudahan yang munasabah untuk menjalankan pengeledahan di dalamnya.

(3) Jika Pihak Berkuasa Melesen atau pegawai diberi kuasa tidak dapat masuk ke dalam mana-mana premis di bawah perenggan (2), maka adalah sah bagi Pihak Berkuasa Melesen atau pegawai diberi kuasa, setelah memperkenalkan dirinya dan memberitahu tujuan kemasukan itu kepada pemegang lesen atau pekerjanya, untuk memasuki ke dalam premis itu tanpa waran dan menggeledah tempat itu dan bolehlah memecahkan mana-mana pintu luar atau dalam atau tingkap supaya dapat masuk ke dalamnya.

(4) Apabila mana-mana premis yang hendak di geledah atau diperiksa di bawah Undang-Undang Kecil ini tertutup, maka pemegang lesen, pekerjanya atau orang yang menjaga premis itu, jika ada, hendaklah atas permintaan Pihak Berkuasa Melesen atau pegawai diberi kuasa membuka atau menyebabkan premis itu dibuka, dan hendaklah membenarkan pegawai tersebut masuk apabila diminta olehnya dan hendaklah memberi segala kemudahan yang munasabah bagi menjalankan pengeledahan di dalamnya dan jika premis itu tidak dapat dimasuki, maka pegawai tersebut boleh mengambil tindakan mengikut cara yang diperuntukkan oleh perenggan (3) jika dia mempunyai sebab yang munasabah untuk mempercayai bahawa suatu kesalahan di bawah Undang-Undang Kecil ini telah dilakukan di tempat itu.

Pengeledahan

43. (1) Jika mana-mana Majistret, atas maklumat bertulis dan selepas siasatan yang difikirkannya perlu, mempunyai sebab untuk percaya bahawa-

- (a) suatu kesalahan di bawah Undang-Undang Kecil ini telah atau sedang dilakukan di mana-mana premis ; atau
- (b) apa-apa keterangan atau benda yang perlu untuk penyiasatan apa-apa kesalahan di bawah Undang-Undang Kecil ini boleh ditemui di mana-mana premis,

dia boleh melalui waran, membenarkan Pihak Berkuasa Melesen atau pegawai diberi kuasa yang dinamakan dalam waran itu, dengan apa-apa bantuan yang diperlukan untuk masuk dan menggeledah tempat itu.

(2) Walau apa pun perenggan (1), jika Pihak Berkuasa Melesen atau pegawai diberi kuasa, ada alasan yang munasabah untuk percaya bahawa –

- (a) suatu kesalahan di bawah Undang-Undang Kecil ini telah atau sedang dilakukan di mana-mana premis ; atau

- (b) oleh sebab apa-apa kelengahan untuk mendapatkan waran geledah tujuan penggeledahan itu mungkin akan terkecewa,

maka Pihak Berkuasa Melesen atau pegawai diberi kuasa boleh tanpa waran memasuki tempat itu dan menggeledah tempat itu dan memeriksa mana-mana orang yang semunasabahnya dipercayai olehnya mempunyai kaitan dalam pengurusan mana-mana premis itu.

Pemeriksaan orang perempuan

44. Tiada orang perempuan boleh diperiksa di bawah undang-undang kecil 41, 42 atau 43 kecuali oleh seorang perempuan lain dan pemeriksaan itu hendaklah dijalankan dengan memberikan perhatian teliti kepada kesopanan.

Penyitaan

45. (1) Pihak Berkuasa Melesen, pegawai diberi kuasa atau pegawai polis berpangkat tidak rendah daripada Inspektor yang menjalankan kuasa di bawah undang-undang kecil 41, 42 atau 43, boleh menyita apa-apa benda yang semunasabahnya dipercayai olehnya sebagai mempunyai kaitan dengan, atau dapat memberikan keterangan tentang pelakuan sesuatu kesalahan di bawah Undang-Undang Kecil ini.

(2) Pihak Berkuasa Melesen, pegawai diberi kuasa atau pegawai polis berpangkat tidak rendah daripada Inspektor yang menyita apa-apa benda di mana-mana premis di bawah perenggan (1) hendaklah menyediakan suatu senarai benda yang disita dan dengan segera menyerahkan suatu salinan yang ditandatangani olehnya kepada pemegang lesen, penghuni atau tuan punya premis berlesen itu, atau pengkhidmat atau ejennya, yang berada di premis berlesen itu.

(3) Jika premis itu tidak berpenghuni, Pihak Berkuasa Melesen, pegawai diberi kuasa atau pegawai polis berpangkat tidak rendah daripada Inspektor yang menyita itu hendaklah bilamana mungkin menampalkan senarai benda yang disita itu di tempat yang mudah dilihat di premis itu.

(4) Apa-apa benda yang disita di bawah Undang-Undang Kecil ini boleh diterima sebagai keterangan dalam mana-mana prosiding di bawah Undang-Undang Kecil ini.

(5) Jika, oleh sebab jenis, saiz atau amaunnya, tidaklah praktik untuk memindahkan apa-apa benda yang disita di bawah Undang-Undang Kecil ini, Pihak Berkuasa Melesen, pegawai diberi kuasa atau pegawai polis berpangkat tidak rendah daripada Inspektor yang menyita itu hendaklah dengan apa-apa cara menyelak benda itu dalam premis yang di dalamnya ia dijumpai atau menyelak mana-mana premis bagi maksud penyitaan premis tersebut.

(6) Mana-mana orang yang tanpa kuasa yang sah memecahkan, mengganggu atau merosakkan lak yang disebut dalam perenggan (5) atau memindahkan apa-apa benda yang dilak atau cuba berbuat demikian adalah melakukan suatu kesalahan.

Pelucuthakkan

46. Semua benda yang disita di bawah Undang-Undang Kecil ini boleh dilucuthakkan.

Pelucuthakkan jika ada pendakwaan

47. (1) Jika ada pendakwaan yang melibatkan apa-apa benda yang disita di bawah Undang-Undang Kecil ini, maka pelucuthakan atau pelepasan mana-mana benda sedemikian hanya boleh dibuat mengikut perintah mahkamah yang dihadapannya pendakwaan itu telah diadakan.

(2) Walau apa pun perenggan (1), jika dibuktikan sehingga mahkamah berpuas hati bahawa-

(a) suatu kesalahan terhadap mana-mana peruntukan Undang-Undang Kecil ini telah dilakukan; dan

(b) mana-mana benda ialah hal perkara bagi atau telah digunakan dalam melakukan kesalahan itu,

mahkamah hendaklah melucuthakkan dokumen atau benda itu walaupun tiada seorang pun telah disabitkan atas kesalahan itu.

(3) Semua benda yang dilucuthakkan di bawah Undang-Undang Kecil ini hendaklah diserahkan kepada Pihak Berkuasa Melesen dan hendaklah dilupuskan mengikut arahan Pihak Berkuasa Melesen itu.

Pelucuthakkan jika tiada pendakwaan

48. (1) Jika tiada pendakwaan yang melibatkan apa-apa benda yang telah disita di bawah Undang-Undang Kecil ini, maka benda itu hendaklah diambil dan disifatkan telah terlucuthak apabila tamat tempoh satu bulan kalendar dari tarikh penyitaannya melainkan jika suatu tuntutan telah dibuat baginya sebelum tamat tempoh itu mengikut cara yang dinyatakan dalam perenggan (2).

(2) Mana-mana orang yang mengatakan bahawa dia adalah pemunya apa-apa benda yang disita di bawah Undang-Undang Kecil ini dan bahawa benda itu tidak boleh dilucuthakkan boleh, sama ada secara sendiri atau melalui ejennya yang diberi kuasa secara bertulis, memberikan notis bertulis kepada Pihak Berkuasa Melesen bahawa dia menuntut benda yang disita itu.

(3) Apabila Pihak Berkuasa Melesen menerima notis di bawah perenggan (2), Pihak Berkuasa Melesen boleh mengarahkan supaya benda itu dilepaskan atau supaya perkara itu dirujuk kepada seorang Majistret.

(4) Majistret yang kepadanya rujukan dibuat di bawah perenggan (3) hendaklah mengeluarkan saman menghendaki –

(a) orang yang menuntut bahawa dia adalah pemunya benda yang disita; dan

(b) orang yang daripadanya benda itu disita,

hadir di hadapannya pada hari yang ditetapkan dalam saman itu.

(5) Pada hari yang ditetapkan di bawah perenggan (4), dan setelah dibuktikan bahawa saman telah disampaikan dengan sewajarnya kepada setiap orang yang disebut dalam subperenggan (4)(a) dan (4)(b), Majistret hendaklah terus memeriksa perkara itu, walaupun mana-mana orang itu tidak hadir.

(6) Jika, setelah selesai pemeriksaan yang dibuat di bawah perenggan (5) berkenaan dengan sesuatu benda, Majistret berpuas hati bahawa –

(a) suatu kesalahan terhadap mana-mana peruntukan Undang-Undang Kecil ini telah dilakukan; dan

(b) benda itu ialah hal perkara bagi atau telah digunakan dalam melakukan kesalahan itu,

Majistret itu hendaklah memerintahkan pelucuthakan benda itu; tetapi jika Majistret tidak berpuas hati sedemikian, dia hendaklah memerintahkan supaya benda itu dilepaskan dan diserahkan kepada orang yang pada pendapatnya berhak kepada benda itu.

Tiada kos atau ganti rugi berbangkit daripada penyitaan boleh didapatkan

49. Tiada seorang pun boleh, dalam apa-apa prosiding di hadapan mana-mana mahkamah berkenaan dengan penyitaan apa-apa benda yang disita pada menjalankan atau yang berupa sebagai menjalankan apa-apa kuasa yang diberikan di bawah Undang-Undang Kecil ini, berhak kepada kos prosiding itu atau kepada apa-apa ganti rugi atau relief lain.

Kuasa menutup

50. (1) Tanpa menjejaskan perjalanan kuasa yang diberikan kepadanya di bawah undang-undang kecil 41, 42 atau 43 Pihak Berkuasa Melesen boleh, dengan serta-merta mengambil langkah yang difikirkannya perlu untuk menutup mana-mana premis penternakan burung walit atau perusahaan sarang burung walit jika dia berpuas hati bahawa –

(a) telah berlaku pelanggaran mana-mana peruntukan di bawah Undang-Undang Kecil ini atau mana-mana syarat atau sekatan lesen;

(b) penutupan itu adalah perlu untuk atau yang bermanfaat untuk kepentingan awam; atau

- (c) lesen tersebut telah diperolehi secara tidak wajar atau menyalahi undang-undang.

(2) Pihak Berkuasa Melesen boleh menutup mana-mana premis penternakan burung walit atau perusahaan sarang burung walit jika berpuas hati bahawa premis tersebut tidak mempunyai lesen atau beroperasi tanpa lesen yang sah.

Kuasa menangkap

51. (1) Pihak Berkuasa Melesen, pegawai diberi kuasa atau pegawai polis boleh menangkap tanpa waran seseorang yang melakukan dihadapannya atau yang dia dengan munasabah telah melakukan kesalahan di bawah Undang-Undang Kecil ini –

- (a) jika nama atau alamat orang itu tidak diketahui olehnya dan orang itu enggan memberi nama dan alamatnya; atau
- (b) jika ada sebab bagi meragukan yang nama atau alamat itu tepat.

(2) Seseorang yang ditangkap di bawah Undang-Undang Kecil ini hendaklah ditahan dan dibawa ke hadapan Majistret dalam tempoh dua puluh empat jam melainkan jika nama dan alamatnya dapat ditentukan terlebih dahulu daripada itu.

Halangan, dsb.

52. Seseorang yang pada bila-bila masa menghalang, mengganggu atau menyerang Datuk Bandar, Ahli Majlis, pegawai atau pekerja Majlis pada menjalan dan melaksanakan kewajibannya atau yang membuang apa-apa tanda yang diletakkan bagi maksud menandakan sesuatu aras atau arahan yang perlu bagi menjalankan kerja adalah bersalah atas suatu kesalahan dan boleh, apabila disabitkan, didenda tidak melebihi dua ribu ringgit atau dipenjarakan selama tempoh tidak melebihi enam bulan atau kedua-duanya.

Majlis tidak bertanggung atas kehilangan atau kerosakan

53. Majlis atau pegawai diberi kuasa yang menguatkuasakan mana-mana peruntukan Undang-Undang Kecil ini tidak bertanggung atas apa-apa kehilangan atau kerosakan yang berlaku akibat dari penguatkuasaan sedemikian.

BAHAGIAN VII

AM

Penalti

54. Mana-mana orang yang melanggar mana-mana peruntukan Undang-Undang Kecil ini adalah melakukan suatu kesalahan dan boleh, apabila disabitkan, didenda tidak melebihi dua ribu ringgit atau penjara tidak melebihi satu tahun atau kedua-duanya dan bagi kesalahan yang

berterusan dilakukan setelah sabitan boleh dikenakan denda yang tidak melebihi dua ratus ringgit bagi setiap hari kesalahan itu berterusan.

Pendakwaan

55. Suatu pendakwaan bagi mana-mana kesalahan di bawah Undang-Undang Kecil ini tidak boleh dimulakan kecuali oleh atau dengan keizinan secara bertulis daripada Pendakwa Raya.

Pengkompaunan kesalahan

56. (1) Datuk Bandar, Setiausaha, Pegawai Undang-Undang atau Penolong Pegawai Undang-Undang Majlis boleh mengkompaun mana-mana kesalahan yang dilakukan di bawah Undang-Undang Kecil ini dan ditetapkan sebagai kesalahan yang boleh dikompaun dengan membuat suatu tawaran bertulis kepada orang yang disyaki telah melakukan kesalahan itu untuk mengkompaun kesalahan itu apabila dibayar kepada Majlis sejumlah wang yang tidak melebihi satu ribu ringgit kecuali bagi kesalahan di bawah perenggan 9(1) adalah kesalahan yang boleh dikompaun dengan jumlah tidak melebihi dua ratus lima puluh ringgit bagi kesalahan itu dalam tempoh yang dinyatakan dalam tawaran itu.

(2) Sesuatu tawaran di bawah perenggan (1) boleh dibuat pada bila-bila masa selepas kesalahan itu dilakukan tetapi sebelum apa-apa pendakwaan baginya dimulakan, dan jika jumlah yang dinyatakan dalam tawaran itu tidak dibayar dalam tempoh yang dinyatakan dalam tawaran itu atau dalam apa-apa tempoh lanjutan sebagaimana yang dibenarkan oleh Datuk Bandar, Setiausaha, Pegawai Undang-Undang Majlis atau Penolong Pegawai Undang-Undang Majlis pendakwaan terhadap kesalahan itu boleh dimulakan pada bila-bila masa selepas itu terhadap orang yang kepadanya tawaran itu telah dibuat.

(3) Jika suatu tawaran kompaun dibawah perenggan (1) telah dibuat pembayaran, tiada pendakwaan boleh dimulakan selepas itu berkenaan dengan kesalahan itu dan apa-apa benda yang disita berkaitan dengan kesalahan itu hendaklah dilepaskan, tertakluk kepada apa-apa terma dan syarat yang berkaitan.

(4) Kesemua wang yang diterima di bawah Undang-Undang Kecil ini hendaklah dibayar kepada kumpulan wang yang diwujudkan di bawah mana-mana undang-undang yang berhubung dengan kerajaan tempatan.

Kuasa pegawai polis di bawah Undang-Undang Kecil ini

57. Tiada apa-apa jua yang terkandung dalam Undang-Undang Kecil ini boleh mengurangkan kuasa seseorang pegawai polis untuk menyiasat apa-apa kesalahan di bawah Undang-Undang Kecil ini.

Peruntukan peralihan

58. Apa-apa notis, perintah, kompaun, lesen atau dokumen yang telah dikeluarkan sebelum tarikh kuat kuasa Undang-Undang Kecil ini hendaklah terus terpakai dan berkuat kuasa seolah-olah telah dikeluarkan atau dibuat di bawah Undang-Undang kecil ini sehingga dibatalkan atau tamat tempohnya.

JADUAL PERTAMA

FI PEMROSESAN LESEN

[perenggan 4(3)]

(a)	Borang	:	RM 5.00
(b)	Penternakan	:	RM 50.00
(c)	Perusahaan	:	RM 50.00

FI SALINAN LESEN DIPERAKUI

[perenggan 9(3)]

(a)	Borang	:	RM 5.00
(b)	Pemprosesan	:	RM 50.00

FI PINDAHMILIK LESEN

[perenggan 10(7)]

(a)	Borang	:	RM 5.00
(b)	Pemprosesan	:	RM 50.00

JADUAL KEDUA
FI LESEN TAHUNAN
[perenggan 4(4),10(6) dan 15(6)]

Lesen	Fi setahun
1. Penternakan	
<i>Keluasan Lantai:</i>	
(a) Tidak melebihi 130 meter persegi	RM 720.00
(b) Tiap-tiap tambahan 25 meter persegi atau sebahagiannya	RM 100.00
2. Perusahaan	
<i>Keluasan Lantai:</i>	
(a) Tidak melebihi 130 meter persegi	RM 480.00
(b) 131 hingga 260 meter persegi	RM 720.00
(c) Melebihi 260 meter persegi	RM 1,200.00

Dibuat oleh Majlis Perbandaran Subang Jaya dalam mesyuaratnya pada 7 November 2013.
[MPSJ/JUU/100-1/29; PU.SEL.AM 0068/2012]

DATO'ASMAWI BIN KASBI
Yang dipertua
Majlis Perbandaran Subang Jaya